

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԸՆԹԱՅՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

1. Անունը, ազգանունը՝

Աննա Իվանյան

2. Ջբաղեցրած պաշտոնը՝

ՀՀ տարածքային կառավարման և ենթակառուցվածքների նախարարության տարածքային կառավարման վարչության պետ

3. Գործուղման վայրը և ժամկետները.

Էստոնիայի Հանրապետություն, քաղաք Տարտու, 2026 թվականի հունիսի 2-4-ը

4. Հրավիրող կողմը.

ՄԱԿ-ի Պարենի և գյուղատնտեսության կազմակերպություն (FAO)

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցել «Տեսությունից դեպի գործողություն. ԵՄ LEADER մոտեցումը ոչ ԵՄ երկրներում՝ տեղական պարենային համակարգերի կայուն վերափոխման համատեքստում» թեմայով տեխնիկական աշխատաժողովին՝ ուսումնասիրելու LEADER մոտեցման ներդրման և կիրառման միջազգային փորձը, տեղական զարգացման խմբերի (LAG) գործունեության առանձնահատկությունները, ինչպես նաև գյուղական համայնքների կայուն զարգացման և տեղական պարենային համակարգերի վերափոխման ոլորտում կիրառվող գործիքներն ու մեխանիզմները:

6. Քննարկված թեմաները.

6.1 LEADER մոտեցման դերը գյուղական տարածքների համապարփակ և ներառական զարգացման գործում:

6.2 LEADER ծրագրի քաղաքական և ինստիտուցիոնալ հիմքերը Եվրոպական միության անդամ երկրներում:

6.3 LEADER մոտեցման ներդրման փորձը և առկա մարտահրավերները ոչ ԵՄ երկրներում:

6.4 Տեղական գործողությունների խմբերի (LAG) դերակատարությունը համայնքային զարգացման գործընթացներում:

6.5 Գյուղական համայնքների սոցիալ-տնտեսական զարգացման և տեղական ժողովրդավարության ամրապնդման գործիքները:

6.6 LEADER մոտեցման ներդրման շրջանակներում ֆինանսական մեխանիզմների և կառավարման համակարգերի առանձնահատկությունները:

6.7 Կայուն տեղական պարենային համակարգերի ձևավորման և զարգացման գործում LEADER-ի ներդրումը:

6.8 Տեղական արտադրության, զբոսաշրջության, երիտասարդական նախաձեռնությունների և համայնքային ներդրումների խթանման գործնական օրինակները:

7. Հանդիպումները, ելույթները, բարձրացված կամ քննարկված հարցերը.

7.1 Աշխատաժողովի բացման շրջանակներում ներկայացվեցին FAO-ի կողմից իրականացվող տարածքային զարգացման ծրագրերը և գյուղական համայնքների զարգացման ոլորտում կուտակված փորձը՝ ընդգծելով LEADER մոտեցման նշանակությունը համայնքների մասնակցային զարգացման գործընթացներում:

7.2 Եվրոպական միության ներկայացուցիչների և Էստոնիայի փորձագետների կողմից ներկայացվեցին LEADER ծրագրի ձևավորման, ֆինանսավորման և իրականացման հիմնական սկզբունքները, ինչպես նաև անդամ պետություններում դրա կիրառման արդյունքները:

7.3 Տարտուի տեղական գործողությունների խմբի (Tartu LAG) ներկայացուցիչները ներկայացրեցին LEADER մոտեցման կիրառման փորձը Էստոնիայում, համայնքային նախաձեռնությունների խթանման մեխանիզմները և տեղական զարգացման ռազմավարությունների իրականացման արդյունքները:

7.4 Քննարկվեցին Էստոնիայի վճարող գործակալության գործունեության առանձնահատկությունները, ծրագրերի գնահատման և ֆինանսավորման ընթացակարգերը, ինչպես նաև ծրագրի իրականացման ընթացքում արձանագրված հիմնական դասերը:

7.5 Մոլդովայի, Թուրքիայի, Չեռնոգորիայի և Ալբանիայի ներկայացուցիչները ներկայացրեցին իրենց երկրներում LEADER մոտեցման ներդրման ընթացքը, ձեռքբերումները և առկա ինստիտուցիոնալ ու ֆինանսական մարտահրավերները:

7.6 Քննարկվեց LEADER մոտեցման ներդրումը տեղական պարենային համակարգերի կայուն զարգացման գործում: Ներկայացվեցին Էստոնիայի, Սերբիայի, Վրաստանի և Հյուսիսային Մակեդոնիայի փորձը՝ տեղական արտադրողների աջակցման, կարճ մատակարարման շղթաների զարգացման և համայնքային համագործակցության ամրապնդման ուղղություններով:

7.7 Մասնակից երկրների ներկայացուցիչների միջև իրականացվեցին փորձի փոխանակման քննարկումներ՝ ուղղված գյուղական զարգացման քաղաքականությունների կատարելագործմանը, համայնքների մասնակցայնության բարձրացմանը և տեղական զարգացման գործիքների արդյունավետ կիրառմանը:

7.8 Այցելություն կատարվեց Տարտուի տեղական գործողությունների խմբի գործունեության տարածք, որտեղ ներկայացվեցին LEADER ծրագրի շրջանակներում ֆինանսավորված ծրագրեր՝ տեղական արտադրության, գյուղական զբոսաշրջության,

երիտասարդական աշխատանքի և համայնքային ենթակառուցվածքների զարգացման ոլորտներում:

7.9 Ծանոթություն իրականացվեց պանրագործական տնտեսության, երիտասարդական և համայնքային կենտրոնի, զբոսաշրջային ենթակառուցվածքների և գյուղատնտեսական նորարարական նախաձեռնությունների գործունեությանը, ներկայացվեցին ծրագրերի իրականացման ընթացքում արձանագրված արդյունքներն ու քաղված դասերը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Չկան:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Աշխատաժողովի ընթացքում ներկայացված փորձը վկայում է, որ LEADER մոտեցումը կարող է արդյունավետ գործիք հանդիսանալ գյուղական համայնքների սոցիալ-տնտեսական զարգացման, համայնքային մասնակցության խթանման և տեղական պարենային համակարգերի կայուն զարգացման համար:

Նպատակահարմար է ուսումնասիրել LEADER մոտեցման առանձին տարրերի կիրառման հնարավորությունները Հայաստանի Հանրապետությունում՝ հատկապես համայնքների մասնակցային զարգացման, տեղական նախաձեռնությունների ֆինանսավորման, միջհամայնքային համագործակցության և տեղական արտադրողների մրցունակության բարձրացման ուղղություններով:

Միաժամանակ, կարևոր է շարունակել միջազգային գործընկերների հետ համագործակցությունը՝ լավագույն փորձի փոխանակման, կարողությունների զարգացման և համայնքային զարգացման նորարարական մեխանիզմների ներդրման նպատակով:

10. Ստորագրությունը, ամսաթիվը:



08.06.2026թ.